

Broj: 06-03-1128-04/176/16
Mostar, 26.01.2017. godine

Na osnovu člana 86. Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 218. stava (1) Zakona o upravnom postupku („Službene novine Federacije BiH“ 2/98 i 48/99), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (5) i člana 42. stav (2) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 41. i člana 49. Pravilnika za izdavanje dozvola („Službene novine Federacije BiH“ broj 2/17), te člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), Regulatorna komisija za energiju u Federaciji Bosne i Hercegovine – FERK je na II redovnoj sjednici, održanoj u Mostaru dana 26.01.2017. godine, donijela sljedeći

ZAKLJUČAK

1. Odobrava se provođenje postupka prenosa Dozvole za rad za proizvodnju električne energije broj 06-03-954/159/16 izdate 23.11.2016. godine sa postojećeg imaooca dozvole „SENDO“ d.o.o. Sarajevo na novog/budućeg imaooca dozvole „ENERGONOVA“ d.d. Sarajevo.
2. Do okončanja postupka prenosa dozvole za rad, postojeći imalac dozvole „SENDO“ d.o.o. Sarajevo je obavezan nastaviti sa ispunjavanjem obaveza propisanih dozvolom za rad koja se prenosi.
3. Ovaj zaključak je konačan, te se objavljuje se na oglasnoj tabli i internet stranici FERK-a.

Obrazloženje

Članom 86. stav (3) Zakona o električnoj energiji u Federaciji Bosne i Hercegovine propisano je da ukoliko nosilac dozvole za rad iz stava (1) ovog člana namjerava prenijeti svoju dozvolu na drugo pravno lice, dužan je podnijeti zahtjev za prenos dozvole Regulatornoj komisiji, dok je stavkom (4) istog člana propisano da je drugo pravno lice iz stava (3) ovog člana obavezno pribaviti dozvolu za rad ili saglasnost za prenos od Regulatorne komisije.

Članom 218. stav (1) Zakona o upravnom postupku propisano je da se zaključkom odlučuje o pitanjima koja se tiču postupka.

Članom 37. stav (5) Poslovnika o radu FERK-a propisano je da se zaključkom odlučuje o pitanjima koja se tiču postupka (proceduralna pitanja), dok je članom 42. stav (2) Poslovnika o radu FERK-a propisano da je postupak izdavanja dozvola za rad, odnosno prethodnih saglasnosti za izgradnju direktnog voda javan i vodi se u skladu sa propisanim i javnosti poznatim kriterijima na nediskriminirajući način.

Članom 41. stav (3) Pravilnika za izdavanje dozvola („Službene novine Federacije BiH“ broj 2/17) je propisano da se u slučaju prenosa dozvole za rad na drugo pravno lice, uz

1

zahtjev za prenos dozvole za rad postojećeg imaoća dozvole, podnosi se, kao sastavni dio, i zahtjev za izdavanje dozvole za rad novog/budućeg imaoća dozvole sa pratećom dokumentacijom koja se odnosi na novog imaoća dozvole, kada FERK postupak prenosa dozvole za rad vodi na isti način kao i postupak izdavanja dozvole za rad, dok je stavom (4) istog člana propisano da do okončanja postupka prenosa dozvole za rad, postojeći imalac dozvole je obavezan nastaviti sa ispunjavanjem obaveza propisanih dozvolom za rad koja se prenosi. Članom 41. stav (5) istog pravilnika je propisano da prenosu dozvole prethodi prenos prava korištenja sredstava kojima se obavlja djelatnost po predmetnoj dozvoli na lice na koje se ista prenosi, odnosno prava vlasništva, o čemu se uz zahtjev za prenos prilaže odgovarajuća dokumentacija.

Članom 78. Pravilnika o javnim raspravama i rješavanju zahtjeva, sporova i žalbi propisano je da se na sva pitanja koja nisu obuhvaćena odredbama ovog pravilnika ili posebnim pravilima i propisima FERK-a, primjenjuje se na odgovarajući način odredbe odnosnih zakona ako to priroda stvari dopušta i kada je u skladu sa nadležnostima i ovlaštenjima FERK-a.

Dana 24.11.2016. godine FERK je od postojećeg imaoća dozvole „SENDO“ d.o.o. Sarajevo primio Zahtjev za prenos dozvole za rad pod brojem 06-03-1128/176/16, te 05.12.2016. godine pod brojem 06-03-1128-01/176/16 dopunu istog zahtjeva. U prilogu tog zahtjeva primljen je i Zahtjev za izdavanje dozvole za rad za proizvodnju električne energije podniet od „ENERGONOVA“ d.d. Sarajevo, kao pravnog lica na koje se želi izvršiti prenos dozvole, u proizvodnom objektu solarna fotonaponska elektrana „Zlatka Vuković“, za koji je FERK izdao „SENDO“ d.o.o. Sarajevo Dozvolu za rad za proizvodnju električne energije broj 06-03-954/159/16 izdate 23.11.2016. godine. Postupajući po odredbi člana 9. Pravilnika o javnim raspravama i rješavanju zahtjeva, sporova i žalbi, primljeni zahtjev je pregledan u skladu sa članom 12., članom 22. i članom 23. Pravilnika za izdavanje dozvola („Službene novine Federacije BiH“ broj 43/14). Nakon pregleda primljenog zahtjeva, a postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi i članom 12. Pravilnika za izdavanje dozvola („Službene novine Federacije BiH“ broj 43/14), FERK je podnosiocu zahtjeva dostavio 16.12.2016. godine Obavještenje o nedostacima podnesenog Zahtjeva za prenos dozvole za rad broj 06-03-1128-02/176/16 i odredio mu rok od osam dana radi otklanjanja uočenih nedostataka navedenih u obavještenju.

Postupajući po Obavještenju, podnosilac zahtjeva je dostavio dopis primljen u FERK 20.01.2017. godine pod brojem 06-03-1128-03/176/16, uz koji je dostavio tražene informacije i obrazloženja.

U Zahtjevu za prenos dozvole za rad broj 06-03-1128/176/16 od 05.12.2016. godine, postojeći imalac dozvole „SENDO“ d.o.o. Sarajevo, je kao razloge zbog kojih traži od FERK-a da se izvrši prenos Dozvole za rad za proizvodnju električne energije broj 06-03-954/159/16 koju mu je FERK izdao 23.11.2016. godine na „ENERGONOVA“ d.d. Sarajevo, naveo da je na osnovu ugovora o pozajmici preduzeće „ENERGONOVA“ d.d. Sarajevo vršilo finansiranje izgradnje solarne fotonaponske elektrane „Zlatka Vuković“ u Mostaru, te da preduzeće „SENDO“ d.o.o. Sarajevo nije u mogućnosti da vrati pozajmicu i daje saglasnost da se solarna fotonaponska elektrana „Zlatka Vuković“ prenese na preduzeće ENERGONOVA“ d.d. Sarajevo, a sve shodno ugovoru o pozajmici. Takođe, uz Zahtjev, postojeći imalac dozvole „SENDO“ d.o.o. Sarajevo je dostavio FERK-u i Ugovor

o zajmu zaključen dana 04.12.2015. godine između „SENDO“ d.o.o. Sarajevo i „ENERGONOVA“ d.d. Sarajevo, te notarski obrađen Ugovor o zakupu krova na poslovnom objektu zaključen 02.11.2016. godine između Modna konfekcija „Zlatka Vuković“ d.d. Mostar i „ENERGONOVA“ d.d. Sarajevo pod brojem OPU-IP 1844/2016, kao i Ugovor o kupoprodaji zaključen dana 21.11.2016. godine između „SENDO“ d.o.o. Sarajevo i „ENERGONOVA“ d.d. Sarajevo.

Obzirom na okolnosti koje je postojeći imalac dozvole „SENDO“ d.o.o. Sarajevo naveo kao razloge za prenos Dozvole za rad za proizvodnju električne energije na „ENERGONOVA“ d.d. Sarajevo, te okolnosti kako prenosu dozvole prethodi prenos prava korištenja sredstava kojima se obavlja djelatnost po predmetnoj dozvoli na lice na koje se ista prenosi, odnosno prava vlasništva, a koje su vidljive iz Ugovora o kupoprodaji, postupajući u skladu sa članom 41. Pravilnika za izdavanje dozvola („Službene novine Federacije BiH“ broj 2/17), koji je stupio na snagu 21.01.2017. godine i kojim je u članu 49. propisano da će se neriješeni zahtjevi koji su primljeni do stupanja na snagu ovog pravilnika rješavati po odredbama ovog pravilnika, FERK je odlučio odobriti provođenje postupka prenosa ove dozvole, s tim da se postupak prenosa dozvole vodi na isti način kao i postupak izdavanja dozvole, na osnovu kojeg će FERK odlučiti da li je „ENERGONOVA“ d.d. Sarajevo, sposobno zadovoljiti uslove predmetne dozvole za rad za proizvodnju električne energije u proizvodnom objektu solarna fotonaponska elektrana „Zlatka Vuković“. Ukoliko FERK ocijeni da je „ENERGONOVA“ d.d. Sarajevo, sposobno zadovoljiti uslove predmetne dozvole, rok trajanja Dozvole za rad za proizvodnju električne energije broj 06-03-954/159/16 izdatne 23.11.2016. godine, kao i sadržaj te dozvole ostaju isti.

POUKA O PRAVNOM LIJEKU:

Protiv ovog zaključka nije dopuštena posebna žalba. Zaključak se može pobijati u upravnom sporu protiv rješenja o glavnoj stvari.

v.d. PREDsjedNICE FERK-a
Vladenka Milović